

ხელშეკრულება N2

ქ. თბილისი

დეკემბერი 2020 წელი

ერთის მხრივ - საქართველოს უზენაესი სასამართლო (შემდგომში „შემსყიდველი“) წარმოდგენილი მისი მენეჯერის აკაკი მაისურაძის სახით და მეორეს მხრივ, შპს „სკს“ (შემდგომში „მიმწოდებელი“) წარმოდგენილი მისი დირექტორის ნინო მენტეშაშვილის სახით, სახელმწიფო შესყიდვების კანონის და პრეტენდენტის სატენდერო წინადადების საფუძველზე, ელექტრონული ტენდერის (NAT200019039) ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

1. ტერმინთა განმარტებები

1.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.

1.2. „ხელშეკრულების ღირებულება“ – საერთო თანხა, რომელზეც გაფორმებულია წინამდებარე ხელშეკრულება.

1.3. „შემსყიდველი“ – ორგანიზაცია, რომელიც ახორციელებს მომსახურების შესყიდვას.

1.4. „მიმწოდებელი“ – პირი, რომელიც ახორციელებს მომსახურებას ხელშეკრულების ფარგლებში.

2. ხელშეკრულების საგანი

2.1. მიმწოდებელი უზრუნველყოფს შემსყიდველის საფოსტო და საკურიერო მომსახურებას (CPV64110000; CPV64120000) 2021 წლის პირველი იანვრიდან 2021 წლის 31 დეკემბრის ჩათვლით.

2.2. ხელშეკრულებით გათვალისწინებული მომსახურების სრული აღწერა მოცემულია ტექნიკურ დავალებაში და დანართში №1, რომლებიც წარმოადგენენ ხელშეკრულების განუყოფელ ნაწილს.

3. ხელშეკრულების ღირებულება

3.1. ხელშეკრულების ჯამური ღირებულება შეადგენს 53 635.00 (ორმოცდაცამეტი ათას ექვსას ოცდათხუთმეტი ლარი) ლარს.

3.2. ხელშეკრულების ჯამური ღირებულება მოიცავს ხელშეკრულებით გათვალისწინებული მომსახურების შესყიდვასთან დაკავშირებულ მიმწოდებლის ყველა ხარჯს და საქართველოს კანონმდებლობით გათვალისწინებულ გადასახადებს.

4. ანგარიშსწორების ფორმა და ვადები

4.1. შესყიდული მომსახურების ღირებულების ანაზღაურება განხორციელდება ფასების ცხრილში მითითებული ფასების შესაბამისად, უნაღდო ანგარიშსწორებით, მომსახურების გაწევის შემდეგ, შესაბამისი შუალედური (1 თვე) საანგარიშსწორებო დოკუმენტაციის გაფორმების საფუძველზე, მიმწოდებლის მიერ მითითებული რეკვიზიტების მიხედვით.

4.2. ანგარიშსწორების ვადა/გრაფიკი – შესაბამისი შუალედური საანგარიშსწორებო დოკუმენტაციის გაფორმებიდან არაუმეტეს 7 (შვიდი) კალენდარული დღის განმავლობაში.

5. მიღება-ჩაბარების წესი

5.1. მომსახურების მიღება-ჩაბარება განხორციელდება ეტაპობრივად, შემსყიდველისა და მიმწოდებლის უფლებამოსილი წარმომადგენლების მიერ მიღება-ჩაბარების აქტის გაფორმების საფუძველზე.

6. მხარეთა უფლება-მოვალეობანი

6.1. შემსყიდველი უფლებამოსილია:

ა) ხელშეკრულების მოქმედების პერიოდში განახორციელოს მიმწოდებლის მიერ ნაკისრი ვალდებულებების შესრულებისა და ხარისხის ინსპექტირება, მათ შორის შესაბამისი რეესტრის მიხედვით გზავნილების წონის, გზავნილების ჩაუბარებლობის საფუძვლებისა და უკუგზავნილებში შეტანილი ინფორმაციის სრულყოფილების კონტროლი.

ბ) ხელშეკრულების მოქმედების პერიოდში მოსთხოვოს მიმწოდებელს თითოეული გზავნილის ჩაბარებისა და ჩაუბარებლობის სრულყოფილად ამსახველი მატერიალური დადასტურების დოკუმენტი, რომელშიც გზავნილის ადრესატთან დაკავშირებული სხვა პირის მიერ გზავნილის ჩაბარების შემთხვევაშიც ასევე სრულყოფილად იქნება ასახული ადრესატთან ამ პირის დამოკიდებულება.

გ) ყოველდღიურად აღრიცხოს და გააკონტროლოს ჩაუბარებელი და შემსყიდველთან დაბრუნებული ისეთი გზავნილები, რომელთა ჩაუბარებლობის საფუძველი შესაბამის დოკუმენტში (უკუგზავნილში) არის არასრულყოფილი, დაუსაბუთებელი ან/და ბუნდოვანი. ჩაუბარებელ და ორგანიზაციაში დაბრუნებულ გზავნილებთან დაკავშირებული ინფორმაციის მისაღებად უწყევტად აწარმოოს კომუნიკაცია მიმწოდებლის შესაბამის უფლებამოსილ პირთან.

6.2. შემსყიდველი ვალდებულია:

ა) უზრუნველყოს მიმწოდებლის მიერ გაწეული მომსახურების ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.

6.3. მიმწოდებელი უფლებამოსილია:

ა) მოსთხოვოს შემსყიდველს მომსახურების ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.

6.4. მიმწოდებელი ვალდებულია:

ა) გასწიოს მომსახურება სათანადო ხარისხითა და სრული მოცულობით, განუხრელად და ჯეროვნად შეასრულოს ხელშეკრულების პირობები იმ ვადაში, რომელიც მითითებულია წინამდებარე ხელშეკრულებაში.

7. ხელშეკრულებით ნაკისრი ვალდებულებების შესრულების ინსპექტირება

7.1. ხელშეკრულებით ნაკისრი ვალდებულებების შესრულების ინსპექტირებას განახორციელებს შემსყიდველის მიერ გამოყოფილი კოორდინატორი – კანცელარიის უფროსი ეკა გოგიჩაიშვილი.

7.2. ინსპექტირება გულისხმობს მიმწოდებლის მიერ ხელშეკრულების პირობების შესაბამისად გაწეული მომსახურების კონტროლს და ასევე, აღნიშნული ხელშეკრულების 6.1 პუნქტის „ა“, „ბ“ და „გ“ ქვეპუნქტებში მითითებული საქმიანობის განხორციელებას.

7.3. ყველა გამოვლენილი ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

8. ხელშეკრულებაში ცვლილებების შეტანა და ხელშეკრულების შეწყვეტა

8.1. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

8.2. ხელშეკრულებაში ნებისმიერი ცვლილების და/ან დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე, ხელშეკრულების დამატებითი შეთანხმების სახით, რომელსაც ექნება იგივე იურიდიული ძალა რაც წინამდებარე ხელშეკრულებას.

8.3. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ, რაც უნდა აცნობოს მხარეს არანაკლებ 5 (ხუთი) კალენდარული დღით ადრე წერილობით ან კომუნიკაციის ელექტრონული საშუალებების გამოყენებით.

8.4. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

9. დაუძლეველი ძალა (ფორს – მაჟორი)

9.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის (ფორს–მაჟორი) ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

9.2. თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ.

წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებებისაგან.

9.3. მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

10. მხარეთა პასუხისმგებლობა

10.1. ხელშეკრულების პირობების დარღვევის შემთხვევაში, კერძოდ, თუ მხარეები ხელშეკრულებით გათვალისწინებულ დროში ვერ შეასრულებენ მათზე დაკისრებულ მოვალეობებს, დადგება მათი პასუხისმგებლობა, რომელიც განისაზღვრება ჯარიმით – შეუსრულებელი ვალდებულების 0,1%-ის ოდენობით ყოველ გადაცილებულ დღეზე.

11. დავები და მათი გადაწყვეტის წესი

11.1. ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

12. ხელშეკრულების მოქმედების ვადა

12.1. ხელშეკრულება ძალაში შედის 2021 წლის 1-ლი იანვრიდან და მოქმედებს 2022 წლის 31 იანვრის ჩათვლით.

13. სხვა პირობები

13.1. წინამდებარე ხელშეკრულება შედგენილია თანაბარი იურიდიული ძალის მქონე 2 (ორი) ეგზემპლარად (ერთი შემსყიდველს, ერთი მიმწოდებელს).

მხარეთა რეკვიზიტები

შემსყიდველი: საქართველოს უზენაესი სასამართლო ს/კ 203 860 508 ქ. თბილისი, ძმ. ზუბალაშვილების ქ. N6 ტელ: 299 09 62. ელ. მისამართი: m.gviniasvili@supremecourt.ge ანგარიში: სახელმწიფო ხაზინა კოდი TRESGE22 ანგ. GE24 NB03 3010 0200 1650 22	მიმწოდებელი შპს „სკს“ ს/კ 204 885 810 ქ. თბილისი, ალ. ყაზბეგის №9ა ტელ: 291 02 20; 599 58 78 06. ელ. მისამართი: takhalkatci@hotmail.com ანგარიში: ს.ს. „თბილისი ბანკი“ კოდი TBCBGE22 ანგ. GE47 TB06 0000 0022 4672 40
--	--

ა. მაისურაძე

ნ. მენტეშაშვილი

ფასების ცხრილი

Nº	მომსახურების აღწერილობა	გზავნილის რაოდენობა (სავარაუდო)	ერთეულის ღირებულება ლარი	საერთო ღირებულება ლარი
ადგილობრივი გზავნილები				
1	ნებისმიერი გზავნილის ტარიფი საქართველოს მასშტაბით 0 კგ-დან 5 კგ-მდე	16000	2.30	36800.00
2	ნებისმიერი გზავნილის ტარიფი საქართველოს მასშტაბით 5 კგ-დან 7 კგ-მდე	20	2.30	46.00
3	ნებისმიერი გზავნილის ტარიფი საქართველოს მასშტაბით 7 კგ-დან 10 კგ-მდე	15	2.30	34.50
4	ნებისმიერი გზავნილის ტარიფი საქართველოს მასშტაბით 10 კგ-დან 15 კგ-მდე	10	2.30	23.00
5	ნებისმიერი გზავნილის ტარიფი საქართველოს მასშტაბით 15 კგ-ზე ზევით	5	2.30	11.50
ჯამი				36 915.00
საერთაშორისო გზავნილები				
1	ნებისმიერი გზავნილის ტარიფი საერთაშორისო მასშტაბით 0 კგ-დან 0,5 კგ-მდე	130	110.00	14300.00
2	ნებისმიერი გზავნილის ტარიფი საერთაშორისო მასშტაბით 0,5 კგ-დან 1 კგ-მდე	10	110.00	1100.00
3	ნებისმიერი გზავნილის ტარიფი საერთაშორისო მასშტაბით 1 კგ-დან 1,5 კგ-მდე	5	110.00	550.00.
4	ნებისმიერი გზავნილის ტარიფი საერთაშორისო მასშტაბით 1,5 კგ-დან 2,5 კგ-მდე	5	110.00	550.00
5	ნებისმიერი გზავნილის ტარიფი საერთაშორისო მასშტაბით 2,5 კგ-დან 3,5 კგ-მდე	1	110.00	110.00
6	ნებისმიერი გზავნილის ტარიფი საერთაშორისო მასშტაბით 3,5 კგ-დან 5 კგ-მდე	1	110.00	110.00
ჯამი				16720.00
სულ ჯამი				53 365.00

ა. მაისურაძე

ნ. მენტეშაშვილი